



Fræna beitelag v/ Atle Moen

6440 ELNESVÅGEN

Vedtak om skadefelling av gaupe i Fræna kommune, Fræna beitelag - utviding av fellingsområde

Det blir vist til søknad 14. oktober 2014 frå Fræna beitelag om utviding av skadefellingsløyve for gaupe i Fræna kommune. Det blir søkt om å utvide fellingsområdet til å gjelde heile Fræna kommune.

Med heimel i naturmangfaldlova § 18 bokstav b) og § 77, jf. forskrift om forvaltning av rovvilt § 9, jf. §§ 1 og 3, utvidar Fylkesmannen i Møre og Romsdal skadefellingsløyvet på ei (1) gaupe som går åleine i delar av Fræna kommune i perioden 12. august – 31. oktober 2014. Fellingsområdet er utvida til å gjelde heile Fræna kommune. Fræna beitelag er ansvarleg for fellingsforsøket.

Vedtaket er formidla munnleg til leiar i Fræna beitelag, Atle Moen, onsdag 15. oktober ca. kl. 13.30.

Bakgrunn

Statens naturoppsyn har i perioden 4. august – 13. oktober påvist fleire skadetilfelle i sauebesetningar i Fræna kommune forårsaka av gaupe. Dei siste registrerte gaupeskadene på sau/lam er 1 antatt, 1 usikker og 3 med ukjent dødsårsak, i besetninga til Vignir Arnarson. Skadene er oppstått på innmark ved Skotten i ytre delar av Fræna. Også i september er det dokumentert gaupeskade på sau ved Åndal.

Kvote for betinga skadefelling av gaupe fastsatt av Rovviltnemnda i region 6:

Rovviltnemnda region 6 Midt-Norge har i vedtak 23. mai 2014 sak 12/14 fatta vedtak om kvote for betinga skadefellingsløyve for gaupe. Fastsatt kvote er tre (3) individ i perioden 1. juni 2014 – 15. februar 2015. Det er per dato felt ei gaupe på skadefellingskvoten.

Fylkesmannen si vurdering

Det var observert familiegruppe av gaupe i ytre Fræna i vinter, og det er også gjort observasjonar av enkeltdyr. Det er i inneverande beitesesong påvist gaupeskade både i ytre og sørlege delar av kommunen.

Det er ikkje mål om å ha ynglande gaupe i denne delen av Møre og Romsdal, slik at ei endring av skadefellingsløyve av 12. august 2014, for utviding av fellingsområdet for gaupe innafør fastsatt kvote gitt av rovviltnemnda i region 6, ikkje vil medføre at det regionale og nasjonale bestandsmålet for gaupe ikkje blir nådd.

Gaupa tek dyr på innmark, og det er framleis ein del småfe på innmarksbeite i kommunen. Vi viser elles til saksutgreiinga i vedtak gjort 12.08.2014.

På denne bakgrunn finn Fylkesmannen å kunne utvide fellingsområdet for ei, einsleg, skadegjerande gaupe til å gjelde heile Fræna kommune.

Vilkår

Vilkår for løyvet går fram av Fylkesmannens brev av 12. august 2014, med unntak av pkt. 1. som er endra til: «*Fellingsløyvet gjeld for heile Fræna kommune*».

Klage

Dette vedtaket kan påklagast innan tre veker frå den dagen dette brevet kom fram; jf. forvaltningslova kap. IV, §§ 28 og 29. Ei eventuell klage bør grunnvist og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Fylkeshuset, 6404 Molde.

Med helsing

Ulf Lucasen (e.f.)
Ass. miljøverndirektør

Astrid Buset

Dokumentet er elektronisk godkjent og har ingen signatur.

kopi:

Rovviltnemnda region 6	Postboks 2600	7734	STEINKJER
Statens naturoppsyn	Postboks 5672 Sluppen	7485	TRONDHEIM
Fræna kommune		6440	ELNESVÅGEN
Lensmannen i Fræna	Torget 8	6440	ELNESVÅGEN